



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Capitularia Regvm Francorum

Additae sunt Marculfi monachi & aliorum formulae veteres, & Notae  
doctissimorum virorum

**Baluze, Etienne**

**Parisiis, 1677**

XLV. Pippini Regis Aquitanorum praeceptum pro monasterio sancti Hilarij  
in doecesi Carcassonensi.

**urn:nbn:de:hbz:466:1-22974**

recognovit. Datum v i i i. Idus . . . . anno xv. imperij Domini Ludovici serenissimi Augusti, & x i i. regni nostri. Actum monasterio sancti Marialis in Dei nomine feliciter. Amen.

## X L V.

*Pippini Regis Aquitanorum preceptum pro monasterio sancti Hilarij in diocesi Carcaſſonenſi.*

Ex archivo monasterij S. Hilarij. Pippinus gratia Dei Rex Aquitanorum. Si erga loca divinis cultibus mancipata propter amorem Dei ejusque in eisdem locis sibi famulantes beneficia opportuna largimur, premium nobis apud Deum aeternae remunerationis rependi non diffidimus. Idcirco noverit sagacitas seu utilitas omnium fidelium nostrorum tam praesentium quam & futurorum quia vir venerabilis Leonnius Abba ex monasterio sancti Hilarij quod est situm in pago Carcaſſonenſe super rivum qui dicitur Leucus, constructum in honore sancti Saturnini martyris, ubi etiam praedictus sanctus Hilarius confessor corpore requiescit, ad nostram accedens clementiam detulit obtutibus nostris quandam auctoritatem Domini & genitoris nostri Ludovici piissimi Augusti, in qua continebatur insertum qualiter idem genitor noster ipsum monasterium ad deprecationem praedecessoris sui Egidonis Abbatis sub suo suscepisset mundeburdo vel defensione, videlicet ut monachi in eodem monasterio commorantes cum omnibus rebus eorum quiete vivere absque alicujus infestatione licuissent. Pro firmitatis namque studio postulavit nobis praedictus Leonnius Abba ut idem monasterium cum cellulis sibi subjectis, quae nuncupantur Garelanus, & alia quae nuncupatur sancti Martini, & villam juxta ipsum monasterium quae vocatur Salas, ubi est Ecclesia constructa in honore sanctae Mariae semper virginis, quam Giscafredas genitori nostro de suo beneficio dedit & nos eidem monasterio concessimus, cum adjacentis vel terminis praedictorum locorum, sub nostra constitueremus defensione & immunitatis tuitione. Cujus precibus ob amorem Dei & reverentiam divini cultus libenter autem accommodare placuit, & hoc nostrae auctoritatis preceptum immunitatis atque tuitionis gratia fieri decernimus, per quam praecipimus atque jubemus ut nullus iudex publicus vel quilibet ex judiciaria potestate in Ecclesiis aut loca vel agros seu reliquas possessiones praedicti monasterij, quas moderno tempore iuste & rationabiliter possidet, vel quae etiam deinceps in iure ipsius sancti loci voluerit divina pietas augeri, ad causas audiendas, vel fidei exigenda, aut mansiones vel paratas faciendas, aut fidejussores tollendos, aut homines ipsius monasterij tam ingenuos quam & servos super terram ipsius commanentes injuste distringendos, nec ulla redditiones aut illicitas occasionem requirendas nostris & futuris temporibus ingredi audeat, vel ea quae supra memorata sunt penitus exigere praesumat, & quicquid de rebus praefati monasterij siccis sperare poterat, totum nos pro aeterna remuneratione praefati monaste-

Tom. II.

rio concedimus, ut in alimonia pauperum & stiptendia monachorum ibidem Deo famulantium perpetuo proficiat in augmentum. Et quandoquidem divina vocatione supra dictus Abba vel successores ejus de hac luce migraverint, quandiu ipsi monachi inter se tales invenire poterint qui ipsam congregationem secundum regulam sancti Benedicti regere valeant, per hanc nostram auctoritatem & consensum licentiam habeant eligendi Abbates, quatenus ipsos monachos, qui ibidem Deo famulantur, pro nobis & conjugum proleque nostra atque stabilitate totius regni nostri a Deo nobis concessi ejusque clementissima miseratione per immensum conservandi Domini immensam clementiam jugiter exorare delectet. Hanc itaque auctoritatem, ut plenior in Dei nomine obtineat vigorem, & a fidelibus sanctae Dei Ecclesiae & nostris verius credatur & diligentius conservetur, manu propria subter firmavimus & anuli nostri impressione signari iussimus.

## X L V I.

*Exemplar commutationis mancipiorum inter Flodegarium Episcopum Andegavensem & Vvinneradam Militem sub Hludovico & Hlothario Regibus.*

IN nomine Domini Dei & salvatoris nostri Iesu Christi, Hludovici & Hlotharii divina ordinante providentia Imperatores Augusti. Si ea quae fideles imperij nostri pro eorum opportunatibus inter se commutaverint nostris confirmamus edictis, imperialem exercemus consuetudinem, & hoc in postmodum iure firmissimo mansurum esse volumus. Idcirco noverit omnium fidelium nostrorum praesentium scilicet & futurorum industria quia dilectus filius noster Augustus Hlotharius innotuit mansuetudini nostrae quod Flodegarius Andegavensis verbis Episcopus pro communi utilitate & compendio supertrime de quibusdam mancipiis cum quodam homine nomine Vvinnerado commutationem fecisset. Dedit igitur praescriptus vir venerabilis Flodegarius Andegavensis urbis Episcopus partibus saepedicti Vvinneradi de ratione Ecclesiae suae sancti Mauricij de villa nuncupata Chamberliaco, in ipsa, cum consensu Bertae, quae ipsam villam in beneficio habere videtur, mancipium nomine Aredium ad suum proprium habendum. Et contra in compensatione hujus rei dedit jamdictus Vvinneradus praedicto viro venerabili Flodegario Episcopo ad partem praescriptae villae vel Dominae Bertae, quae eodem tempore ipsam villam in beneficio habere videtur, de proprio suo mancipia duo his nominibus Restaldum & Ermenaldum. Vnde & duas commutationes pari tenore conscriptas manibusque bonorum hominum reboratas illos praesentibus habere professus est. Sed pro integra firmitate petiit ut ipsas commutationes de novo per nostrae mansuetudinis praescriptum plenius confirmaremus. Cui petitioni denegare nolumus, sed sicut unicuique fidelium nostrorum iuste petentium, ita nos illi concessisse & confirmasse in omnibus cognoscite. Praecipientes ergo jubemus ut quicquid

An. 818.  
Ex archivo  
Ecclesiae  
Andegavensis.

XXxx ij